

乾初先生遺集

乾初先生遺集卷十三

海寧陳確著

族元孫敬璋編校

祭文

祭祝開美文

有序

嗚呼吾友祝開美以弘光元年閏六月五日午時自縊其弟
解之戌時又縊將絕又解之至次日子時氣盡歿功服同學
弟陳確制社弟蔡宸襄制社姪查嗣琪既先後來視殮殮後
六日復以蔬果之儀相與致祭於祝世兄之靈而確為文以
告之其辭曰

嗚呼開美生稟粹質孝親悌弟誠心懇惻惡佞好直嫉惡若
仇賢如勿克胡生不辰遭世頗側羣邪滿朝老成廢黜兄焉
憤怒疏爭甚力既獎忠良亦詈貪墨衆忌日深遂罹不測一
師一弟獲罪南歸講學論道終日不違師曰子疏畧微有疵
意氣聲名未離客私兄聞憮然請益祗祗師曰吾學闇然是
祈鞭辟近裏窮奧析微惟日孜孜廢寐忘飢癸未之秋予亦
東渡假館畿山同兄寢寤雲門若邪時一縱步出訪名山入
侍師坐訓言必書兄勤予惰計相往返五十朝莫共訂千秋
期无攸歎何意吾兄頻遭大故自兄西還嘔血如流緹騎之

出兄疾未瘳聞信慷慨前途自投妻兒慟哭攀止莫由官吏
勿覺來家撲搜季又代之省府拘留五郡義士千百雲浮踰
山涉江驟金相周兄无一受行邁悠悠時惟季冬雨雪綢繆
厲倅聒耳冷風劈頭兄安若故无恙元九甲申正月詔獄于
入一杓雙夾重笞三十骨碎肉飛抗詞无失暨遷刑牢共六
旬日淙洑毛詩沈斫周易如坐溪山手卷不釋有詔赦之遂
巡未出謂忍乘亂倖脫囚桎遭時不競靡爛崩分三月之變
亘古未聞纍纍賊臣哀哀吾君兄心如割如烈如焚何以未
死師在五雲冒險來歸形容悴槁問兄北事絕口不道惟時

涕流謂賊未討庶幾中興克綏元老復曰不臧謂徒激矯聿
使吾師歸與賊蚤乙酉春正再同吾兄箴山之麓問業執經
兄時骨立舊疾日增孰使之然心非一營勤學神疲憤時氣
盈兼移母塋未卜佳城縞衣素食血泪時傾身非金石堪此
百青元何夏五虜騎突至舊京淪陷新皇猶繫百萬髡鉗吾
鄙焉避兄之家人戒言時事懼兄聞知遽起自縊前月廿二
弟過兄居問弟時事直云不支兄曰若此請與子辭古語有
言見義必為弟曰兄母改塋有期既塋而死於義何虧大孝
且忠詎不成宜兄領弟言強起自持閏月初二實塋令慈初

五役竣諸作允釐再繼而逝前言不欺兄之緩歿弟實使之
嗚呼開美介石之守疾在膏肓寓世豈久優游考終亦云順
受胡不能俟臨義恐後曰心所安不可以苟莫向編年問知
與否噫予先祖忝師令尊揆誼考序爲世弟昆況同渡江受
業師門弟與兄爰非常可倫兄子猶子兄歿猶存兄所與知
敢不盡言嗚呼吾師山陰夫子聞之道路絕粒而歿真耶否
耶兄知之矣不吊昊天亂靡有已吾師吾友循節安理存爲
明臣沒爲明鬼予生惘然曷究厥止兄之將歿歸約諄諄一
切喪葬條分縷陳屏棄俗禮而式先民猶虞諸季勿克力遵

復謂弟言贊助殷勤自題銘旌曰州莽臣弟竊易之謂明學
人并揚死節不泯其真義安與否告予惟神嗚呼開美壽命
胡促兄牽少予學則彌篤一日百年奚云不足細書格言精
楷端淑并師手札彙藏一櫝不遺諸子不校仲叔弟之懦庸
乃悉見屬何以成之終日媿感俟天稍涼焚香畢錄留待兄
子長成付讀胡能不悲詞窮泪續尚享

祭許元五文 有序

嗚呼吾友許元五之訃以弘光元年七月初二日至次日蚤
子同其甥婿俞禹錫匍匐往哭之而不及尸痛悼不已蓋訃
帖本云次日戌時歛而主喪者以熱暑不宜久待遂卯時先
殮故也哀哉以二十四年之老友至不及一面訣乎殮後五
日從余伯兄來奠一盃生平交游中宜无過余者當有知己
之言以告會虜騎縱橫里中擾亂奴奴未暇就一詞奠之日
已發舟而聞虜破海寧人事倉皇一拜即反元五尋母疑故
人之啗嘿抑至此也奠後三日知虜飽颺去人情稍定廼復

操筆為文并前所製悼亡詩一首附使人持往以焚告我東
隱主人許元五四兄之靈其詞曰

嗚呼管賢兩垞先生高風峻節百禩儀型豈元令子弓治是

承伯主西隱東隱翕膺允能大之於拓於更於易淮齋

元注枕濤

即淮齋故址也

于葺耆亭

元注耆亭故與梅林相對

鑿池種荷結龕供僧老樸勁

竹奇松壯藤千株萬樹偃蹇憑陵園池之勝近莫與京山疏

蘇給尊酒常盈諧心適意佳節良朋殘燈書卷清晝棋枰優

游雲泉元逐无營遭立衰末曷審屏榮達未可慕窮奚足輕

兄之高潔寵利莫櫻抗心塵外屏慮節衡角巾布袍詎易公

鄉幼習醇謹老彌粹精持躬接物洽禮稱情不狂不愚庶幾
中行善誨爾子蚤成令名溫恭學道不墮家聲亦嫁且昏屈
然尚平宜可及時彌傲林垌兄年長余兄髯尚青指示白髮
僅一二莖謂當壽考期耄云并何為中年錮疾遂嬰嘗謂弟
言老將退寧懷新鬻子院茂館甥吾私一室另設釜鼎與老夫
與妻飢自煎烹與人元求於世无爭悠哉悠哉以終餘齡斯
志未獲胡遽幽征嗚呼兄疾弟知其萌辛未之歲摧梁真楹
哲人云亡劇盜縱橫兄遭反噬家業中零繼悼母喪憂心惛
惛豈謂暮年復罹百責兩姪夭折伯亦游冥一室三孀孤苦

伶仃盛德之後云胡不亨天之夢夢勿聰勿明冤煩痛割兄
疾遂成門單戶弱身獨支撐況乎比歲荒亂頻仍今幸夏五
地坼天崩羣方擾亂動黠寇爰乘錐家深山日亦數驚兄之
羸羸堪此棘荆翩翩長逝蕭蕭雲輶板望勿及能不悲鳴憶
從弱冠和聲嚶嚶越廿四年莫改其恒豈曰如蘭蘭胡足馨
寥廓薄俗古道誰興不謂天壤具此心盟今喪其儔悼痛曷
勝如夢如癡如醉未醒深媿薄德於兄莫增失既在前曾不
斯懲而子若婚復遣執經翹翹林木拙匠是繩何以堪之不
員材英曰有一尋檐竭愚誠皇天不惠莫我能於甫喪祝子

遽奪吾兄一月之內凶告疊層我淚幾何其能不傾七月初
二聞訃來倅殮既有時曷不留停故人哀哀匍匐兄庭胡先
蓋棺面訣未能負茲良友余臯實羸復不自慚擅題銘旌殮
後五日從兄腹負一師一友來存疏濬道路譁然言虜入城
民人奔竄余心亦怛一盃痛酹詠詞未成奠後數日詢彼游
偵曰既颺去心魂漸清濡墨補文以告兄靈和泪為書一詞
百縈知己之言神其來聽

送許元五葬文

辛卯

嗟乎我二十四年之老矣遂錮重泉不可復見能不悲哉憶
管兄疾將革招我入山屬以大事中心藏之未嘗一日敢忘
而嗣子遲疑七年始決蓋其慎也今定以某日時下窆爾故
人確率子若姪酌一盃於枕濤之莊以申永別兄知之乎嗚
呼而子而壻皆恂恂學道歆行彌厲內孫二人外孫一人日
崔舜懷新篔簹間皆管所未睹者吾兄知之亦可含笑入地
下矣尚享

祭山陰劉先生文

丙戌五月

嗚呼吾師何意太季正月二十一日之別竟為永訣乎自太
季五月長江不守胡馬橫驅所至人心崩潰浙東西郡縣之
民劫守令降附孰非祖宗朝來深仁厚澤所休養之百姓何
以一旦至此確竊意是時吾師必歿而傳聞不一六七月間
猶訛吾師率義旅西伐者已漸知吾師不食歿道路之言无
真月日癡情迷惘信疑猶半東望號頻不知所為干戈滿途
母老為累棄而渡江誠所未忍家自老母而下四世親丁共
三十一口若攜家東避則力又不能因循至今遂踰年歲歿

不脛含殮葬不預執紼人間有此弟子何殊禽獸乎嗚呼吾
師歿矣同學祝淵亦以閏月初六歿矣淵固病且歿亦憤奴
氛日迫強起再盥而歿獨確懦不能歿又不能編名行伍為
國家効分寸之勞又丁口田廬僞官所轄輸租納稅不异順
民媿師友而忝所生甚矣師其以確為非人而麾之門牆外
耶豈憐確母老苟活情亦有不昇已者姑未深絕之也嗚呼
確之登師門最後昇事吾師之日淺卒已踰于強仕學未及
乎童蒙日用之間舉步滋疚聖賢之道盲乎未聞方期與淵
結廬雲門若邪之中朝夕函丈訂數年游究千秋之業而時

移事違天崩地圻執爓見背明師云殂宇宙茫茫向誰吐語
嗚呼吾師視淵猶子視確猶淵淵事吾師如父而確之事吾
師未盡豪末也戴山解吟軒名五雲廣福之間講道論經經旬
累日孜孜不倦窮奧析微游必有樽榼之携居必有廩庖之
繼來必潔饗食去必腆臚遺雖四壁蕭條吾師多絕糧之困
而百方贍給至者樂如歸之安盛德有无己之施棄士靡消
埃之會又何況於德義之訓百未遵行仁賢之望莫慰萬一
者哉吾師之聖无媿孔姬弟確之頑有踰亢子家遠路迂牲
不及嬾亨酌不及躬沈市脯沽酒不潔不誠神其毋怒尚饗

祭山陰先生文 癸巳春

嗚呼若確者豈復有人理哉師歿吾不知日師葬吾不知處
生為師弟沒同行路確獨非人而胡至是若以亂為辭則未
聞亂世遂无師生以母老為辭則八年之內將母之暇亦未
嘗不東西奔走動踰旬日而獨於山陰只尺之路夙晡誦讀
之地裹足不前判若異域邈若天外雖巧言飾詞終何以自
解生之大辜一也生之遭遇固極危困而學業荒落至不可
言自變故以後兩遭危病再遇凶賊皆瀕於次亡幸復苟活
一畚一撮拮据靡寧加以煩病連年每至沈篤終於溘喪在

庚寅之三月生夙以疎頑不省家計煩沒之後勉為料理雖
下至米鹽委瑣不能不問而徒然勞憊終亦无益館席久廢
經史不理學道之心轉益麤戾上負吾師下慚吾友生之大
辜二也生固已至愚極懦不任驅策而聰明強力之士尚不
乏於吾鄙或舊在門牆或轉相私淑无不兢兢於證人社約
罔敢失墜桐鄉張履祥素履樸實澉水吳藩昌克承二父之
志皆夙所奉教自餘好脩之士所在多有遠者不能悉數武
林則有西泠諸子為之鼓吹而為湖之秀亦絡繹不絕斯文
領袖必有其人又聞婁江以東學古慕道發揚夫子之明教

者且項背相望近則更有龍山諸子與確兄子十數人爲省
過之會莫不服膺道訓斐然可觀庶幾風流未泯振興有日
而或名心潛伏或客氣用事自非大力莫克剷除而確復優
游不自振拔不能宣暢師教錫以和平生之大辜三也惟吾
夫子之道廣大神化雖死猶生其大啓我後俾不迷失闇者
使通懦者使力競者使恬浮者使實雖確之頑鄙猶可鼓舞
而變化之俾昇晚蓋而少追吾三辜之萬一乎號泣哀籲惟
夫子之仁慈憐而許之

告山陰先生文

心未

明明我師雖死猶生我呼我號在天之靈墓書非古大學非
經確也闢之不遑敢寧嗟如之人否塞晦冥莫我能信習解
相縈矧越後世盡惑矣勝確為斯懼幽憤填膺至聖大賢千
秋孔曾赫赫靈爽確敢妄櫻粵程朱子有宋之英疇曰非賢
日升月恒偶焉薄蝕終仰其更何當衆咻遂閉聖域師同維
閩韻顏孔庭雖越千載靡異親承上咨宣聖下質朱程是耶
非耶昭然甚明確之誣罔是殛是懲如其未謬寧弗吾於大
啓我後如寐斯醒墓依周禮學歸正誠格致非始誕妄悉屏

俾是聖學遽底廓清若大路然既康且平師之厚德永世其
馨敢陳告詞激切屏營

告先府君文

維歲丙戌七月朔不孝男確薄以牲醴之儀致祭于明顯考
某公府君之靈曰嗚呼身體髮膚受之父母不敢毀傷此言
自童時習聞之故難髮則虧體虧體則辱親虧體辱親又何
以爲人去秋新令不難髮者以遠制論斬令發後吏詞不難
髮者至軍門朝至朝斬夕至夕斬或曰子未可以難乎曰確
生无益於時正憂不尋死所而以不難髮死確其无忝所生
哉恃此盟也而勿難以至于今獲全近聞不難髮而見執者
法未必死而大僇辱之終亦不免於難髮夫不殺而終難髮

則名垢身辱而吾志不辱遂即憤而自殺而已无解於虧體辱親之辜如是以為義恐又非管賢之所許也故同辜也而吾猶將擇乎未甚僇辱者故確亦思變計從俗也而髮非確之髮父母所遺之髮也不自敢擅敬齋卜日請命於顯考而迺從事乎或曰盍先歿之母在不忍也然則子前又何以不畏殺曰苟虜而見殺則是非人子之獲已也義不辱不爾也且吾管之所為不畏歿者非揚揚然號於人曰吾髮未薙余執於官而殺之也凡可以晦迹而全生者无不至也倘萬不幸而卒見獲而被殺而吾心亦可以无愧矣與无故而先自

殺以棄吾母者微有間其然乎其不然乎謹告

告先府君文

維歲丁亥四月朔越有五日不孝男確敢昭告於顯考府君之靈曰嗚呼父之生我四十四年於茲矣德不加進而髮齒日衰罔極之恩終身遂无繇報事已至此悼恨何如家自司訓梅岡公而下于今六世為國名儒一旦地坼天崩遽巡向異類乞活犬馬猶戀舊主而況人乎草命以來即思告退以不忍罵弘光後年號因循未舉謂歲試不到將自除名今年春學廩又已開支而歲試未有期日益復遷延為疚滋深將卜日告於先聖之廟隨呈本學求削儒籍終為農夫以沒世

悲夫男之不肖截髮毀冠久竊儒生之號知神之為恫久矣
是以敢告

補
生日告先影文 癸巳

確呂冥頑向辜教育志業未就奄及五旬追念劬勞不勝愴
感潔茲牲醴報萬一之深恩嗚呼此未死之身時非遺體其
復不自愛以貽所生之羞神鑒孔明不敢望宥

哭表姪丁大赤文

嗚呼吾大赤其未可死也而竟以是月十一日死余時館洄塘且未知其病又何以知其死耶死後四五日人有來言大赤死余悲咽至不能出一語來言者曰此未必真吾子胡遽耳余曰誰以死誣大赤者此言大奇當不妄也既而知其果死廼與爾爰徐高伯洎兒子翼同鼓舟而東撫汝棺而哭之其辭曰

嗟吾子之忠醇分文與人而皆樸行循循於規矩兮昇乎後生者之浮薄謂厚者之必永年兮胡斯理之難卜憶昔西園

之雅集兮家樸菴與仲襄泊吾與汝與檝姪子又俞查之雁
行此六七子之嘒嘒子志遠古而翱翔維吾子之加勉子九
殷勤乎篇章計五莩之間搆兮戒未明而畢集聞卓甫之雲
板子子秉燭而先出諸子就而分火兮咸嘒唔而奮筆忽文
成而痛飲兮吾念此如昨日何運會之愆忒子驚天地之崩
隕各旦夕之不保子悲同人之仳離去歲之秋天先奪吾禹
錫子今子又忽焉其安歸雖吾大无樂有此生子念親老而
難弃茫乎置理亂於不聞惟子與禹錫為昇計固知非一歎
之為難但置此生者於何地念吾子之寡兄弟子仲多才而

蚤逝今并不愁遺吾子子何天道之昧昧痛爾母之敏勤子
義家道之整整適冠虐之不過子至一歲而五逞悼衣食之
頓乏兮而母不言而哽哽竟煩憂而溘歿子知其目猶未瞑
念爾父之老病兮髮皤皤而蚤衰須杯醪以遣年兮恃吾子
之怡之汝不念而竟歿子又遺之以穉子與弱妻爾祖母八
十有三子兩目盲而身痿痛老人之多哀子方哭爾母之未
已吾每見必相持而擁涕子今又大聲而哭子吾父姊弟共
七人子獨爾祖母之尚在見爾祖母如見吾父子今哀哀其
何以卒歲凡此數者子寧不傷于心子竟終然而見背嗚呼

死者不可復生子徒悲夫奚謂也而不悲又无以為情子然
吾憂其殆也吾何以告爾祖母與爾父子不悲而豫子姑留
此餘季子以視爾孤子與寡嫗兮嗚呼人生若旦暮子可不
懼歟

祭嬭文

吾嬭以庚寅三月三日死人事忽忽未暇哭子即哭子而未暇文也今死十有三日矣人事稍定又是月之望遂蚤起焚香而哭之其詞曰嗟乎吾累子吾累子吾以貧累子貧而懶愈累子吾實不學子謬以我為學不敢以家累吾學吾有父母子為吾養吾不知吾有子女子為吾衣食吾不知遂積憂勞而有此病也人亦有言糟糠之妻糟耶糠耶何嘗夢見徒虛語耳子於糟於糠日用飲食誰則知之豈惟人不知之且不欲使吾知之而吾實知之而吾敢忘子耶今有女甫嫁有

子甫昏可以少息有薄田數畝皆子之遺可以不糟可以不
糠而子即棄去能不悲乎子病將死欲我請女姑於榻前念
佛既不汝從又囑我於死後入木作道場五七拜懺七齋誦
經我皆不從非我子各禮所不許子病每勸我買妾我不買
子病將死又勸我蚤取後妻我不欲取非我子違我夙有頭
暈腰挫之疾今膏病甫退又患耳聾與人對語如隔重牆了
不聞一字衰老之狀百端並起其奚能及此耶嗚呼八十四
歲之老母何人供養七年之幼子何人看視人謂吾母多憂
多憂吾不敢無憂則何能前路茫茫未知終極子之劬勞吾

生不敢忘吾之孤苦子死而竟不念耶嗚呼尚享

補為董女告阿母文

維庚寅年四月初六日己丑去母之日三十有五蓋俗所謂
五七之辰也母嘗命我於是日請僧衆禮梁王懺以報罔極
而吾父不許死母之言不可棄也生父之命大勿敢違也雖
然兒豈敢以生死異心哉惟義之從而已母言而義雖死行
之父言非義雖生拒之今母言俗也父言禮也故從父言而
不禮懺敢荐牲醴告所以不用母言之故嗚呼母以兒等三
人勤苦半世蠶織之勞等上婢衣食之惡等下婢漸積成病
而遂見背嗚呼母豈不能棄勞而即安者哉然而不能則是

吾母之病之死皆以兒等故也如此養兒女誠不如无兒女
嗚呼嫁女婚男而不獲偷一日之安女嫁男昏而不及待一
日之養悠悠蒼天長恨何窮嗚呼尚饗

告捍沙廟土地文

先室王氏病篤之日諸子某某等不忍坐視其死相與持酒食以保於神而廟人又勒其狀以為後拔地某竊非之夫使保而當耶則神留吾狀以為憑而告之於天弗容拔也今病者已死則是神之不准吾狀而棄之也久矣又焉用拔諺云一字入公門千牛不能拔故吏受賄而拔之則官得而罪之官受賄而拔之則朝廷得而罪之故弗敢也今神不問是非不置曲直而獨以飲食細故輕受人保後又以酒食細故而拔之若兒戲然魯墨官賊吏之不如又可以為神乎蓋土地

之所司者年穀豐歉之事其在此廟者則又兼司陂塘堆舍
捍禦風濤之事故歲始而祈之歲終而報之水旱風雨之不
時則禳之海蝕沙岸侵民廬舍則禱之則神享之若夫疾病
死生之事神何與焉保云過矣又將拔之不愈誣乎雖曰穆
卜之禮古人不廢禱爾上下於文有之然而金縢之書傳之
再世以動天威不聞當時又告而拔之也拔保狀之說尤為
不經此皆愚民貪欲託於神以飽其腹者自污污神獲罪滋
大某不敢雷同以為神羞敬告

公奠許元忠文

嗚呼人之云亡古今同嘆胡弗愍遺俾是模範而無疾病溘
馬一旦嗚呼公之篤學天性所鍾氣若春雲聲如曉鐘凌厲
奮發老而彌雄磊磊胸情不可一世管樂自期拍畫天地堯
舜君民如取如寄學富數竒垂老一第而百六之運適焉是
遭操刀小縣措筭衰朝懷抱未展風散雲飄牢落溪山遲迴
故里澆花峙竹窮經課子忽忽不樂未嘗忘死聆公言笑如
僞如誤讀公詩文如泣如訴賸懷故君裴回永慕三閭大夫
長沙太傅爾其窮愁著書廢日失時上究千載下攬來茲鉤

深探賸扶輿搜竒窮年皓首揚雄左思若夫佳節令時花晨
月夕好鳥鳴呼賓朋讌集賭墅圍棋嘯歌自得丰酒百篇淵
明太白而醉翁之意夫豈在酒歌以當哭飲亦含詬塊磊未
澆三豎先守百年同心一日分手嗚呼人誰不死未有如公
生平勁直易實從容不及家事唯詠王風游子遠歸轡木素
備必慎必誠無愧無悔天若啟之以報善類山亭寂寂雲木
蕭蕭容庵晝揜書卷塵高我來自山即爾林臯不聞吟聲陰
風暮號嗟乎痛哉哲人其姜民庶孔悼皇天示災十月之朔
日有食之孰不震驚況我親知

是月朔適有日食之異
而許元忠是易實之夕

某等

或玷金蘭或託肺腑或交令子或辱世誼敢曰庸庸古學是
志道業未成咸資砥礪胡天不弔典型遽墜呱呱弱穉黯黯
靈輒大辛之悲亦某等之悲知死知生傷弔咸宜敬陳薄奠
侑以俳辭赫然神魂其來格思

偕檄姪祭徐季嘗文

嗚呼吾兄守廉貞兮君子固窮昔所稱兮兄無間然垂令名
兮雖飢而死勝飽生兮何媿何忤游宦冥兮嘆兄之學畧無
停兮自髫迄壯日嘔嚔兮如癡如騖失寢興兮極深研幾造
至精兮未及四十髮星星兮終不爾負賢書登兮胡生不辰
喪亂仍兮蹙蹙四方吾焉征兮卷而懷之道固應兮逍遙林
端歌獨醒兮布衣蔬食有餘榮兮脩篁覆屋梅欹楹兮月明
在天影交橫兮兄時最樂求爰聲兮左持大螯右巨觥兮痛
飲狂呼驕步兵兮決日累旬如勿勝兮退而寂然蓬門扃兮

城耶市耶足跡屏子白首著書槁木形子晨炊或斷沽無榮
子道之所貴俗所輕子為人推罵物之情子心常泰然莫我
撓子忍以為勇墨為明子兄之晚年稱向平子胡然碌碌寡
安寧兮一蔬一食手經營子諸子克紹名崢嶸子學先生計
庶阜成子矣所從來理虧盈子兄之無欲潔且清子為我後
人留其贏子何以報之竭股肱子養不逮存哀惻惻子張子
來遷展兄甥子情之所鍾言丁寧兮期我秋間顧茅衡子言
笑永日樽酒傾子何圖斯語終無承子一病奄忽乘雲輶子
仰兄道貌儼典型兮兼脩厥德日懋增子宜眷于天獲脩齡

兮如南山壽不騫崩兮如日如月升而恒兮奚而先我蚤凋
零兮吾之寡昧無一能兮兄何愛之相繆矜兮屬續拳拳及
老朋兮聞言哀感哭摧膺兮視殮而歸心怆怆兮疑醉疑夢
竊自驚子伯也腹負九痛兄子欲之洄塘羞杯羹子羸老龍
鍾艱遠行兮有子櫟世曾受經兮隨我而西奉過庭兮有酒
一勺菜一莖兮以奠以獻兄之靈兮物雖無腴德惟馨兮兄
其來臨歆吾誠兮

祭葉四母舅文

大兄命作

辛卯九月二十七日

惟晉吾外祖之敬業子發藝苑之芳聞蔚神宗之盛時子歲
己卯之一人誕荀氏之六龍子咸踔越乎等倫謂錫嘏之無
疆子胡履運之邇述既及身之未竟兮復不福其子與孫吾
伯舅之令德子允斯文之宗匠悼志業之鬱滯子遽中道而
殞喪子仲舅之子而勿終子至一再而始髦又軋軋其衰蹇
子離忝承其彌望吾仲舅之邁往子志愈老而益壯子爾昭
之敏給予知弓裘之克抗忽相隨而奄逝子競穉孫之奚仗
既伯仲之蚤背兮又何羣季之殒促也遺諸孤之孱冠子惟

吾舅之閔鬻也祈一人之壽考予謂百年猶未足也胡天道之昧昧兮奪吾舅之乃速也嗟吾舅之集蓂子違閔凶於童孺甫三歲而失恃兮十三歲而失怙娶鳳林之淑貞子曾未幾而告訃方踰父而再鰥兮茫析薪之誰荷四窮民之無告予而吾舅居其三也誠仁王之所閔予矧宗戚之痼瘵也幸為後之夙簡子謂惟炳為淑賢固詢謀之僉同子亦倫序之罔愆嗟炳子之受田兮懼不給乎粥饘紛食指之繁多兮吾奚卜其歲年翳獨余甥之慟哀兮宜有心之共憐惟吾舅之明德兮歷多艱而罔怨克自勵於幼孤子至衰老而靡倦謂

科名吾故物兮將取攜之如券忽遭亂而乞休子亦娛志於
篇章詩直追夫鮑庾子書夙擅乎鍾張吾衰年之甥舅兮時
暮酒之相羊憶今年之三月兮攜花下之一觴意流連而靡
盡兮紛白髮之翱翔知舅情之不厭子九母心之最康庶往
來之數數兮慰夙夜之所望何遂成夫永訣子遽沈疴之勿
臧八十五之老姊兮率我踰耆之小子遠匍匐而將奠子哭
吾舅而不能起告懿親之拳拳子謂吾來非尋已痛吾弟之
肯堂兮僅數楹之未圯賸瘠畝之無多子復瓜分其餘幾爾
同祖之兄弟兮夫奚分乎吾爾祈共相我厥孤兮慎清門之

舉止惟長耳之英達子又諸孫之濟濟念外家之一線子慘
孤危如卵累宜扶持之益力兮共均安之休祉寧惟安吾弟
之靈兮實吾父母之所慰責某等之切切兮爾奚忍乎渭陽
視顛隳而莫援子置吾言之若忘承母命而痛心兮抒悃誠
之數行苟斯事之有濟子其敢憚乎趨蹌知吾舅之式臨兮
默啟佑夫羣良永百世之宗祊子與天地而久長

哭孫幼安文

今之議者必以幼安之客死而未有子也而追咎其出曰惜乎其多此耳確獨以為不然夫以幼安之死無子而惜其死則幼安一出而馴貴官積財鉅萬多男而壽考便以為幼安不虛此出矣此真至愚極陋之見烏足以定賢人君子之品量哉向使幼安於道無聞雖抗志不出簞瓢屢空以終其身而吾曾不以幼安重也即一出而馴致貴官積財鉅萬多男而壽考而於幼安又何如元本也知富貴顯榮之無加于幼安則知雖客死無子而亦無損于幼安也又何尤乎向者變

革之初幼安嘗削髮取空門有終焉之志既而以家貧母老
彊顏一出意大不怡故幼安之削髮取空門非正義也而終
至於不尋已而出尤非所願也吾知幼安有所以為幼安者
而不在乎區區之間也幼安終非富貴之人使幼安而在吾
知其席未煖而賦歸來不待言也而幼安遽死徒使吾言之
不信于人嗚呼可痛也夫幼安之天性孝友孜孜好學有過
人者其抑心下志忠事儕輩切切惇惇獎率羣材如將不及
焉幼安文章氣誼吾鄙莫之或逮而畏義隱約終始一貫其
不變節于當官可知也其將終無所遇而返可知也則幼安

雖出而其所不出者固在也則幼安雖死而其所不死者固在也幼安何恨吾悲世士之論不知本末而徒相切切然以幼安之出為耻且以幼安之出而遽死為耻嗟乎此夫不自知其可耻而漫焉以耻人之不必耻吾所以致痛于幼安而不能不遺憾于俗議之悖也

哭吳子仲木文

丙申二月初日

嗚呼以休仲木之孝而死以仲木之方壯年而死多材好學而死力善若不及而死能不悲夫嗚呼某無知蚤衰於斯道已無望惟日有望于同人而仁賢凋落前冬蓋開美今春殯仲木天之奪我良友如將弗及抑何慘與嗟乎人孰無死忠節先生死忠吾子死孝死復何憾顧先生不可以不死仲木不可以死而竟以毀死殆夫賢者之過矣嗟乎人孰無死死生命也仲木固以毀死世人不毀夫皆死何獨毀能死人哉而同人或云仲木而死則為善者滋懼其然乎其不然乎仲

木年纔三十有五耳而世人或死於三十五年之前後或死於三十五年之前要之於死生之際何等耶死同而所以死不同仲木雖死有餘馨矣奚哀傷之與有惟是本生母夫人在堂妻少子幼此在釋氏欲一切脫離曾不足致懷而在吾儒則殊有未能忘情者兄臨死數日從容語笑兄本作灑然安命何其適也嗟乎生死元本作死之際蓋大難矣俗士不勝可憐之態而賢者又或矯而過之予懼學者之于仲木或舍其日用常行孝友敦篤之懿德而反稱其去來順適之達情則失吾仲木遠矣是以又具論之惟仲木生平樂受盡言

其大尚聞予言否

祭吳仲木文

丙申二月十二日同學弟陳確從龍山友人蔡遵朱天麒祝
沈許齋查樂繼查嗣珙祝滿許全可洎確之諸子穉世錫世
枚煌世並兕翼等以醴羞之儀致祭于吳仲木社兄之靈而
確又為文以哭之其詞曰

嗚呼吾黨之好學者獨以仲木兄弟為首稱同人向往若奉
師傅而仲木何忍舍之而長往乎嗚呼三四年以前仲木與
海內諸名賢交甚懽而時不遺某三四年以來仲木與某交
洎某之諸貧交交甚懽而亦不遺諸名賢然而仲木遷善之

疾改過之勇奔軼絕塵俾某等皆瞠乎其後者則惟此三四年來之學某嘗與龍山諸子撫掌稱嘆謂仲木將遂為聖賢中人矣吾輩優游且自處何等乎何意勤者沒而惰者存周公無逸克壽之言遂不復驗是可痛也仲木夙工詩古文詞時輩莫及人曰忠節先生年譜是仲木平生一篇絕大文字余曰有進焉者仲木之居母喪是一篇大文字去春同人聞仲木之過毀皆惴惴焉有不勝喪之憂惟某大屢書爭之而仲木之哀毀益甚人皆曰此仲木之過然而古之君子有水漿不入口七日者有五日而不食者有泣血三年未嘗見齒

者如以過則古之大賢者固已過矣奚獨仲木至于死生命
也曾子毀不死顏子未毀先死禮之所訾何足以揜賢詰乎
嗚呼此乾坤何等時也亂離瘼矣我輩有生之苦無生之樂
子之死誠樂矣子在地下有山陰先生以為之師開美乎趾
以為之友父子伯姪懽若平生

元本作素

伯載接候更奏塤篪天

下之樂殆無過此宜仲木之

元本此下有臨死二字

言笑晏晏略無憂

戚也嗟乎吾言過矣吾言過矣斯豈吾仲木之心乎哉生死

一理生死一心雖生者之戚而

元本作抑

亦死者之痛也奚其樂

仲木之勉自懽慰其重傷母夫人之心與羣季之心而然乎

否乎

哭徐敬輿孝子文

卷已

嗚呼人心失禮教衰而斯人之絕無異於禽獸也非一日而然矣執親之喪而飲酒也食肉也室家之驩宴也欲不謂之禽獸可乎某昔之居父喪也如是既而追痛無已則嘗為之著喪實以呼號天下之為子者而莫之或應也於山陰尋劉世兄伯繩子焉去吾師之死已九年矣而猶未復寢與膳也問何以至是則重痛吾師之以饑餓而死焉故也於錢塘尋二徐子焉居母喪幾大祥而猶未復寢與膳也此禮之常無絕奇者而世俗之士鮮能行之非惟然也雖夙稱學道知禮

之士大鮮能行之吾故聞而媿焉欲敬拜二子而納交焉不可得也則張子尹來先示我以所訓之書視其書則皆鍾張之古法也誦其書之文則曹魏之清華者也因其文以求其人則踴躍然而窮浩浩然而適廩廩然而嚴而志不忘在溝壑者也吾見而喜焉欲敬拜二子而納交也愈不可以已也去秋之仲則二子儼然過而教之以我稍自異於世俗之士故也我屬有幼子之嘉禮焉二子不脫袞而見我不以世俗之士而待我也曷益親其道範焉聆其微言焉且數晨夕而未已焉則見其氣剴以沉其才肆以敏其思靜以遠其方介

也可畏其溫下也可親則吾昔之所為媿者益媿喜者益喜
將與二子久要焉白首焉且與吾之子若姪世好焉而未有
窮也曾幾何時而敬輿竟棄我去且竟棄孝先而去天之所
以生敬輿如是而已乎敬輿之所以交我如是而已乎嗚呼
可痛也方敬輿之病痢也尹來謂我曰敬輿之病不起矣吾
師麗京之言也為之奈何予曰不然雖麗京之手與目未若
吾之臆也敬輿吾未見有死法焉而何憂乎病而敬輿竟死
使吾之不能以臆勝麗京者敬輿而已嗚呼可痛也孝先兄
弟幼孤未幾遭亂播遷厥居未奠母子流離動遭白眼前年

有母之喪去年冬又有敬輿之喪嗚呼敬輿已矣胡天之所
以厄我孝先不遺餘力之若此也則吾又遑知非天之所以
玉成孝先之不遺餘力之若此也則吾孝先其重自愛以愛
其弟若姪所以仰承乎天之所以玉成吾者夫不遺餘力焉
其可也今年春二月自山陰歸始尋同吳子仲木過孤山拜
而哭之去敬輿之死將百日矣棺衾之費何自歟妻帑之食
給歟墓有日歟吾皆不尋而知之也則友朋之不足恃矣已
甚矣則吾所以責孝先之意不能不益亟矣嗚呼痛哉

乾初先生遺集卷十四

海寧陳確著

族元孫敬璋編校

祭文二

祭查母朱碩文

嗟乎士固有遇不遇況婦人乎雖然使生孔顏於盛王之世
位不過三公功名不過伊呂無絕奇者故士窮則道彌厲女
窮而行益至顧其人何如耳窮烏能累乎然窮一也而所以
處窮之道有不可同年語者每見世儒無識喜揚節烈於幽
貞之德畧而不宣吾甚恨之夫女子不天遭履厄難一時引

義千秋嘆咏其誰曰不宜至若艱負備德之婦畢生憂苦無
烈女赫赫之聲而檢其行事有萬非烈女之所能忍者又曰
此恒德不足道嘆乎此吾夫子所以致嘆於白刃可蹈而中
庸不可能者也其夾不知輕重甚矣今且無論世俗即書傳
所載有若查母之上不媿舅姑中不媿夫子下不媿諸子婦
者乎非徒不媿而已其上事也循嬪之職而兼脩子之道其
俯育也有母之愛而又有父之嚴是以二人悅豫於上諸子
恭義率德於下且而外內之事心計手營五嫁二嫁迢迢過
禮堂構奕然以新以拓不出戶庭細大畢舉而美利不言括

囊无譽是為難耳嗟乎人事不可知而可知也天道可知而終未可知也方查母未結褵之時而夫子已病也人皆為母憂之曰胡天厄我母之甚乎而母曾夸然若不我厄也來而事夫子益恭相夫子益勤四十年如一日也豈不劬勞然夫子逸矣豈无荼苦然夫子愉矣夫子雖善病乎而翻獲壽考非吾母之賜哉故曰人事不可知而可知也及吾母之教諸子而皆有令名也人又為母慶曰天之報我母若此其不爽乎其後先搏羊角而上可計日待也乃以二南之才之學而尚遲一第也二典之直躬慷慨而僂然病廢也二宜之粹質

雄文而弱冠蚤世也二雅之潛光隱耀二宋之風舉玉立而
皆未獲顯懿也故曰天道可知而夫未可知也語云是應是
袞必有豐年言雖歲運之靡常而積勤之終必有獲也今吾
母之所以教諸子與諸子所以承吾母之教可謂應袞不怠
者矣而吾母卒不能豐年之待而溘焉仙逝諸子能不悲乎
而某等能不悲諸子之悲乎嗚呼母雖死矣諸子其敢忘吾
母之教必且勤道不厭以康病父之心而大慰死母之靈如
是則天雖不可知而終無不可知也是在諸子矣尚享

祭查母朱碩人文

嗚呼俗士若不知道羞語錢財卒敗行檢而孔冉論治先富
于教自唐虞以來未之有改慎此者昌失此者亡故老氏寶
儉易嘉安節家國天下同條共貫安可忽乎往學憲先生之
貽囑云贍給然入為後者三而太學公獨能大其業中庸稱
文王之無憂但言述作不及壹德蓋其畧也夫千金之家久
而不治則誅員盈門今以太學公之優游无為而家日起雖
清淨致理有合太上之道而吾母之綜理精密克贊於門內
者又烏可沒也聞之福報之理積憂勞於前者必獲康樂於

後廼者英來兄弟頡頏雲路諸孫之秀玉立於庭家門餘慶
方來未已母宜康強久視坐享无涯之福何太學公即世未
幾而母即奄逝豐於功而嗇於報如是者耶吁嗟吾母遭世
衰亂近十年間遭百凶毒幽憂成疾以至於此也歲之壬午
貧尹煽虐借名欽件蔓抄吾民我太學公輸家之半尚猶未
戢屬伯子雷奮羣兇歛手家以稍安而載經鼎革寇虐未遏
毒螫之加於母家為甚剝却不已卒焚其舍西依鳳林聖儀
蚤世弱養哀哀母心如擣來遷於我夫子殞喪一慟暈仆哀
踰華紀盜又不戒英來受叔母子驚魂奔竄城邑塵市湫隘

不能容居伯仲與季分而為三蕩析離居歲無寧宇今年夏
又有季子之喪白首哀號二豎遂守豈不悲哉七月之杪我
從子某西來候母英來將倣裝北上深以母病為疑殷勤問
某而某不能力止使英來遂負終天之恨某聞訃嘆悼曰是
吾之罪也夫是吾之罪也夫嗟乎豈惟確一人之疚某等久
辱世誼孰非猶子聞言哀感痛結於心嗚呼痛哉厥居未奠
靈露逆旅朔風游子四千里外知耶未知悠悠蒼天長恨何
窮嗚呼尚享

誄查母許碩人文

孔子之係家人曰家人有嚴君焉父母之謂也其九三曰家人
嗃嗃悔厲吉久矣夫家道之貴嚴故雖母失得稱嚴君而
母德之第以慈著非其至者也惟碩人之適查也遭家不造
業中落母則相夫子其皇君以勤起其家及其皇君蚤背諸
孤藐然未知所成立母則以嚴教其子是故有母之勤而向
者惺兮先生之家雖廢而弗廢也有母之嚴其皇君雖死而
弗死也母道之貴於有家也如是嗃呼人類何常之有有鬚
眉而中輟者矣則夫必有中輟而丈夫者矣非他人碩人是

矣人孰無生貴生有所益焉耳人孰無死貴死無所恨焉耳
碩人夙奉兩階先生之教克恭婦事理查氏既衰之緒持數
世孤撐之門戶而日益光大也潔酒醪以娛賓而四姓之姻
婭遠方之賢者至而如歸也不出戶庭灼知其人之賢不肖
而石丈兄弟之交日益慎也欲其子以色養不欲其祿養而
石丈兄弟之德日益脩守日益固也詩曰夙興夜寐無忝爾
所生石丈兄弟有焉傳曰能如是乎與子偕隱碩人有焉嗟
乎俗流失世敗壞而先王之禮之不可復行於後世也非一
日矣頃吾聞碩人之喪也家錫姪為相欲爾住浮公息諸子

為之左提而右挈之非家禮之所行勿行非家禮之所止勿止使吾鄉粵一改陋俗之觀而式於先王之禮教者自碩人之喪始也進而求之石丈兄弟哭泣之哀饘粥之食藪藪焉皇皇焉雖以石丈之病之甚克自勉於禮焉使吾鄙之士知親喪存乎自致而不忍自夸於禽獸者自石丈兄弟之居喪始也有子如此毋復何恨乎是故有母之嚴而後有諸子之賢有諸子之賢而後能行先生王之禮自今日以後士之志於復古者不幸而至於大故粵一以碩人之喪儀為準人子之欲自盡其哀情而不甘同於行路人之行行酒食者一以

石丈兄弟之居喪為準或翕然遂成禮俗焉抑夫未可知之
事也則石丈兄弟錫爾之孝不更無窮乎而母之教不益廣
乎

哭韓卓甫文

嗚呼吾之知卓甫也以卓甫肯直言攻吾之過卓甫夫復不自掩其過而樂吾之攻之也兩人以此稱相見甫一二年所而我與卓甫各東西歸歸不數數尋相見卓甫則業鑿鑿名日起我學道道業日退是則卓甫初不以去我為憂而我乃深以去卓甫為病也既而尋卓甫鑿名之所起則謂卓甫每治病必廢寢食而求所以生之其生之則若非吾生之不責其報其不生則若吾不生之又廢寢食而求其所以不生也故鑿名則日起而卓甫已數致嘔血某聞之而嘆曰古稱好

仁之愚卓甫其是乎夫病之不死者卓甫雖不廢食寢固不死病之死者卓甫雖廢寢食固死由此言之卓甫雖廢寢食於生死之病而兩不為功而徒以其身殉卓甫殆不得為知矣吾嘗欲以是言告卓甫且欲告同志之凡業卓甫之業者而皆未之告次以卓甫之去我而東故也而卓甫竟以是死嗚呼吾之攻卓甫不若卓甫之攻吾勇也吾負卓甫矣雖然以我殉病者而救其身與以病者殉我而救人之身二者之相去又何等乎則卓甫固愚矣而仁故厚矣吾聞卓甫甚貧去年獨舉三世之喪不一以累諸父羣弟卓甫若預知今日

之死者某固嘗有勸葬之言夫以見卓甫之勇於從義而卓甫自此或可無所恨於地下矣若夫卓甫雖無子弟之子則卓甫之子卓甫雖尚有母卓甫之母則弟之母也已命不可留俯仰何媿此夫非卓甫之恨矣在子若弟兄本有者字勉之而已矣獨使我一旦失此直諒之友不得兄本有復字聞吾過斯則某之所深恨焉耳矣

送祝開美塋管山祭文

嗚呼開美管山尺土終埋良爰使蟠蟠故人永隔幽明能不
悲夫嗚呼確之闇懦負兄實多復何言哉復何言哉兄遺言
祔塋而後人弗克遵弟不能力爭致暴骨十年卒分塋此山
罪一也遺言勿令諸子專習舉業養吾二陶嘗問弟云何弟
謂習舉業似夫无害但不可出就有司試耳竟用弟言兼習
舉業而兄之仲子恒明遂欲出試雖將來必且草心而弟不
能防於未然使曾有褻裳之失罪二也確復過自暴棄老大
而无成弗克率先令子令弟偕登大道猶不免為流俗之人

臯三矣自茲而外確所負兄者不能悉數嗚呼若確者其猶
自列於人類乎今年六月又妄作大學辨一篇同人皆以為
臯兄之明知雖死猶生必能為弟精別是非若確言誣罔其
上告我山陰先生立賜幽譴以正元知妄作謗古惑衆之臯
此孔門鳴鼓之義於兄所必不能辭者若猶有愚夫之一尋
其夫大啓我後死諸賢毋俾世迷使聖學復大明於世兄之
惠也兄昔在師門任道甚勇今豈忘之歟因諸同人祖奠之
誠附竭愚衷立辨書數篇焚靈輒之側明明開美勉垂昭鑒
尚享

哭吳子哀仲文

己亥正月初五日丁酉吾友吳哀仲死而先仲氏即於是日
發病某未能往哭也十四日戊申而先仲氏死矣又越十日
始尋從同人往哭之哽塞不能出一語故歸而屬之以文其
辭曰

確幼學於伯仲則以兄弟為師友晚年獲交澱湖諸吳子相
規也而日相親則又以友朋為兄弟友朋兄弟吾未知其孰
親而孰疏無何丙申正月仲末以毀死殮之日而先伯氏之
疾發越月而伯氏死今年正月哀仲夫以毀死死之日而先

仲氏之疾發未盈旬而仲氏又死何兄弟友朋死喪之哀相隨而至之彌速也此確之奇痛也仲木之哭母也期而死哀仲之哭母也將期而死兄弟死孝既若合符節而季容之母之喪前哀仲之母之喪不一月汝典之妻之喪前季容之母之喪不旬月此吳之奇痛也韓卓甫之死也仲木為經紀其喪踰年而仲木死鄔行素之死也哀仲為經紀其喪半年而哀仲又死哀仲行素兩人嚴介之性畧同其相隨而死也大彌速此確之奇痛也之四子者皆激之良也而勤攻我過故確恒樂就之至二吳子愛我尤深則憂我益至憂我益至則

規我尤切確比有辨學之言二子規之不遺餘力確感二子

之言

見本
作適

入於骨髓然卒不敢僞從則確之所憂又有大於

二子者去年二月行素裏仲偕過確確正以氣情才辨侮聖

言諸篇裏仲默然无言已而示確詩有古學賴重明之句則

裏仲其已許我乎否乎嗟乎古學之不明久矣確幸竊聞山

陰之餘教因申明其未盡者著於篇至萬餘言惟確之諸子

與龍山諸子恒有然其說者然夫未敢遽謂之心得也外此

皆望而却走耳以吾仲木裏仲之明睿必終鑒知之而今已

矣以吾仲木裏仲之賢而力於善不惟能明吾言必能終行

吾言而今已矣則吾今日之哭裒仲也豈徒哭裒仲已哉惟
季容汝典明於孝友之大義而毀不危身以勉輔仲木裒仲
之所未逮則吾仲木裒仲雖死猶不死也而確之二三同人
皆能如仲木裒仲之賢而力於善不以二子之不佑於天也
而益勵其行則雖曰吾仲木裒仲皆不死焉夫可也則確豈
憂无朋及矣哉豈憂无兄弟矣哉嗚呼痛哉

哭伯兄文

丙申

嗚呼吾父母生我四人如身之有四體今殘其半矣痛何如哉嗚呼伯兄於確兼有父師之恩維持教養以至今日嘗欲冀一日之成以圖消埃之報而自革命以來確既自棄兄大連歲卧病曾不獲受確一日之養而竟溘焉長逝也痛更何如哉伯兄愛確尤倍常等兄有詔於確確未能盡從確凡請於兄靡勿俯聽者確則不恭而兄愛彌篤今雖欲復聞伯兄之命而聽從之恐後也不可復及矣痛何如也兄屬續前十餘日確候兄榻前兄張目視確曰吾死日不遠仲兄館於外

喪中事爾无坐視確兄不能應而心不敢忘今兄死確不能
相諸孤以從禮從儉而未免有過禮之費以貽兄憂也不能
助勞助費任機世孤之貧困无聊外役內憂之交迫而勿之
恤也不能亟襄大事扶柩入先人之兆而濡遲

元本
作遲

將俟之

冬月也兄病中欲自譜年譜口授確編次其事而至今未能
卒業也痛何如也嗚呼以兄之學而不獲一第也以兄之通
智鴻畧而不獲少試以事終老遂泌也以兄之曠適而厄以
七年之疾也以兄之孝而不獲終事吾母甫及古稀而遂奪
之膝下也豈亂離云瘼而先去以避其禍乎兄之多才能事

鬼神寧棄九十歲之老母與仲兄與確而往事吾父於地下乎確之不孝其又能克從仲兄孝養吾母以母貽伯兄无窮之恨於重泉之下否乎兄之篤孝生死一心其純佑母躬俾永康強以默助仲兄與確色養之不逮也則雖死之日猶生之年也嗚呼今年元日豫為吾母進九秋之觴兄色喜曰甚善吾久病嘗恐不及待令死无恨矣已而確有天生吳仲木之喪確哭兄大哭曰吾病良苦奈何不代仲木死无何兄病遂劇未踰月而遽死是何慶弔相隨之速也確之不德而天降之割也奪吾友之不足而又奪吾兄也確始哭吾兄而不

能成聲也踰月而哭兄能成聲矣未能成句也于五日之祭而後能句以哭之兄其聞之乎其不聞之乎嗚呼

哭仲兄文

已亥

確自年十五從仲兄於祝十九從伯兄於靈泉山二十又從仲兄於審山之陰皆許以有成二十後確始違兩兄教餬口於他卒積於放无成員兩兄實深兄弟四人既各有所就不遑時聚又重違二人色養時疚於心无何崇禎己巳七月遽有叔兄之喪明年九月又有吾父之喪詩書誤人百死奚贖確自此已絕意榮進兩兄勉之始出竊一衿非其願也而兩兄又期以遠大久之終无所成兩兄之才大數困場屋未有所遇會申酉之難確從兩兄並棄舉子業優游養母未幾伯

兄邁疾

元本作疾疾

不離床褥者六七年丙申三月忽焉見背則

仲兄愛確九倍恒昔每云母年近百止餘我兄弟二人吾固衰病弟年大望六何尋云未老願蚤自休息又云吾子不若兄子不能替力使我每不尋閒弟子猶吾子耳豈非命耶雖然母徒自苦確夫感兄意自楊遷陸求近母兄為朝夕承驩計兄為色喜然確甫遷未踰年手口拮据碌碌未有寧居聚樂曾幾何日而兄忽棄確長逝乎兄連歲困瘡去冬差強飯確私心甚慰惟吾母痰嗽不時發兄弟竊憂念之歲朝虔並遇鼎之盞確愕然曰止兄弟與確三人若鼎立而折足之凶

將誰任之元何五日而兄病又九日而兄逝矣繇象率踐何其痛也生時苦不尋自閒至此夫不尋不閒惶雖欲替力豈可尋乎雖欲不替力又豈可尋乎父兄相繼見背老母弱嫂事益不支安可優游復如前日復孫已婚將在成人之列孝事之禮雖不逮父祖猶逮祖母也惟勤惟儉惟恭惟順以孝事母祖母雖不逮父祖猶逮父祖也確既負吾兄之教猶冀以失之於身者庶幾將尋之兄之子與孫力學有成以善繼述乃祖乃父之志之事確夫不敢不愛其身以終事百年之老母以卒兄志也確始服伯兄之喪蔬食百日兄作色言

弟年過五十太多病禮五十不致毀又老母在也宜自愛今
兄喪蔬食甫彌月而吾母每以為言又念兄昔日之言竊自
恕也嗚呼確負兄寧惟此一節已哉母邇日病體呼確摩背
久之曰兒不若仲也吾它日嘗體仲從肉隙望見亟趨至一
手按吾胃一手摸背輕重疾徐並合法度頃臾體愈念今安
可復尋言訖淚下嗚呼確之不逮兄又寧惟此一節哉已哉
嗚呼痛哉今春寒食尚脩先塋之祭未敢遽從家約敬俟之
明年以兄前日未甚許故也痛兄不尋與祭分一臠獻于靈
座而脩之以此文嗚呼尚饗

哭老及董立翁文

丙申

於我立翁竟之於釋而不反耶其形釋而實儒逃於空而非
真空者耶夫儒教非不空也而以實為空以實故艱大而弗
辭為空故巍巍而罔與釋氏則以空為空而其實或不能盡
空以空為空故倫彛有可廢也不能盡空故厲民而以為功
也此儒釋之异是非邪正之分兄其元本知之審矣而曷其
終之於釋而不反也確居平每戒同人勿妄攻釋惟當反求
諸身果有以善於釋乎則釋不待辨而伏矣若猶有塊於釋
乎則將自治之不暇而奚釋之攻自此絕口不敢與釋爭一

語而獨不忍舍我立翁以三十餘年忘形之交剖心相信不
翅若親弟兄而何忍棄之於釋又世為御史公之大宗而無
子且異時年力尚可以有子而无子而何忍棄於釋故徵辭
往復時大有之而終棄之於釋則確所謂反求之學疎而誠
不足以信友也又何尤哉今兄无子而有子而又甚賢於吾
子又兄釋而非釋孝友篤行不苟取予足以股肱聖學所謂
逃空而非真空者矣獨歸約諄諄欲外父母之身而徇茶毗
之俗則兄子思東深以為懼遺書問確確不敢不以正對而
戒思東且勿以其說呈而翁以兄方病甚故也而兄病竟不

起死終莫敢荼毗吾兄者則終不敢不以吾說呈兄以確平
生素无欺兄之言故也若夫與奢寧儉聖人之教三復歸約
致意良深則確每屬羣從祇遵遺令今其或者奉行未盡以
遺兄憂則確等與羣從不克相爾于以力行古人之禮而非
斬焉衰絰者之過也嗟乎傷哉三十餘年之交自此遂已茫
茫泉路相見何時東樓明月梅清桂馥之宵松閣溪聲雨霽
雪深之日我杖遲回何能已已於我立翁雖死猶生龕化之
辨以終不忍棄兄於釋之志兄宜深鑒兄子猶子有知以告
令子苟不忘前人之愛則三十餘年之交自此遂復无已確

之愚鈍所以報兄愛於萬一者或尚有時而兄之所以教不肖確者終不可復聞已乎抑時默佑其愚俾終不墮於禽獸者而後已乎則沒齒者乎嗚呼

公奠董爾立文

元廷仲兄主祭

聞之脩德於躬必厚其報雖有小變不失大常以驗於兄何其舛耶兄至仁肫肫彌綸姻族三鄙兄弟如一父母同方執爰生死靡間植德之厚古未有加確他日嘗館兄家兄有爰人虞德宣之喪累日哭確深為感動曰此其交非甚親暱者而哀至於此今年春我伯氏之喪累月哭則可謂親暱矣雖然未有哭爰若斯之哀者也而況肺腑之親骨肉之愛乎然吾兄積學而未顯其身積德而未廣其宗此吾鄙諸子僉以為痛者也夫周王多男本於惠鮮之澤故急人之窮必不已

窮者也恤人之困必不已困者也兄生平歆施乳獨日不暇
給某遺之不能盡知知之不能悉數至若兄御史公而下四
世之子若弟之家事身事皆不啻兄事孤穉者撫成之不足
周之疾痛患難營拯而安全之未若德者嚴教督之善如己
有不善如己過卒之至誠之動應如桴鼓故兄之羣從蒸蒸
孝爰光於吾鄙者无內故焉唯兄之以也而天之所以報兄
者竟如彼嘗憶兄拈語坐右有曰天之厄我如不我克孤我
鰥我獨我天定固可勝人而卒不能寡我人定夫可勝天其
言絕痛使我不忍竟讀又不惟此兄止一姊我族祖母也斬

焉在疾四十有餘年沒齒而无愜志一女甥甫嫁而寡毒甚
姊氏一孀負才久病遽復夭折親串孑然如既霜之木无一
榮枝天之報施善人其何如哉則兄之逃禪雖性近之或
有所不尋已焉矣然吾聞之天之福淫人非福之也將厚其
凶矜而降之罰也則天之禍善人非禍之也將甚其窮困而
集之祉也吾又烏知天之醞釀蓄積欲以厚善人之報於无
窮不且在思東與思東之後乎哉則凡我數姓通家之子若
弟欲以報父執之德於无窮洎兄之羣從欲以報伯父伯兄
之德以翼大宗於无窮者不盡在思東與思東之後乎哉則

吾所謂雖有小變不失大常者夫又可必之於兄而又何疑
於蒼蒼之天矣哉

哭鄔行素文 戊戌

漱固多賢然漱城彈丸確所尋交者大无幾人而甲午六月
卓甫死丙申正月仲木死今年七月行素又死不四三年間
而連奪吾漱又又皆在壯盛之年確之哀痛復何堪此離索
耶崇禎己卯春始交行素於邵灣山中則卓甫為之介然確
時行已无狀為干祿之學行素大未釋舉業確實未有以進
行素後數年遭亂流離雖骨肉之親或不及時聚而行素去
予家四十里獨未能忘確時過確有所論述確以是尋益悉
仲木兄弟之賢而行素之貧日甚其介大日甚嘗資衣食於

藥籠中確謂鑿不如農行素退而與其子力耕養母葺一茅
於北山之野風雨不蔽行素恬然居之其居家孝友雍肅確
所未及確嘗過其家其家人與客止間一破壁竟日不聞聞
聲似聞無人者而朝夕供客饗殮已不戒而具每歸與翼兒
語而嘆之顧其胷中多所不可無論世俗即吾同志數人語
及輒搖首莫一當行素意蓋其所不可者真不可也雖確大
不謂可然確以為聖教久湮士鮮實學吾姑取其善而其未
善者且少俟之耳行素則時留胸臆間故吾鄙之愛交朋无
若行素之肫切者今行素死吾同志何以不負行素乎昔吾

爰陳季雖疾惡太甚確每見開之而季雖卒憤憤致疾未三十而死吾行素之養則進於和平矣宜若元季雖之慮者今年夏久不過確則心竊然疑之而未韞斯從漱來固言行素病確知其中鬱命永兒錄陽明答劉內重書寄之以廣其意書未去而行素之訃至矣不夫痛哉往年卓甫死而貧甚則仲木力疾經紀其家其母妻孥至於今无凍餒令行素之貧甚於卓甫累更重於卓甫而吾同志中又莫有若仲木之急死爰者是可媿也裏仲書云吾爰生平介然之性不欲以身後累人可謂深知行素者今諸同志縱力不能周行素之家

雖周之非行素之欲而去其所不可以成其所可則固非諸
子力之所不能而又為行素之所甚喜以酬行素不夫可乎
余故因哭行素而并以告我同志且質之行素也

祭上壽祝伯母文

嗚呼伯母之壽竟止此乎憶伯母慶八十之明年即吾母之九十壺觴相祝至驩慰也吾母壽九十有三伯母壽八十有五皆不可謂不幸矣乃吾母小祥之辰即伯母大殮之日確聞伯母之訃而不知涕之何從也嗟乎伯母猶吾母也確每過眉老母未嘗不在堂以猶子遇之莫吾遠也古之君子有詠蓼莪而隕涕者況通家至誼死喪期日之相感觸乎嗚呼自母之夫子士瞻先生以純德積學而終身不祿伯仲子光侯夢昇又皆以盛材而遭亂相繼殀折又前年有季子公幹

家孫子久之喪母之哀苦荼痛殆未有已時確既蚤失怙伯仲叔氏竝後先見背夫喪一兄子之壯長者天倫之痛苦若合符節竊恨吾母辛勤鞠育於確等既多舐犢之愛而伯母之聖善尤篤慈惠此天性固然向使吾兩家天親晏然倫序無關有以慰二老人之心其壽或更不止此而天不吾佑故可痛也故不惟痛伯母吾母而猶不能追痛於兩家之父兄與子弟也確自去秋以來衰病日迫幾有不勝喪之憂而吾眉老大復善病聞母疾將亟之日正子疾方困之時確故不勝悼痛勸其節哀順變至再至三幸賴母之靈眉老之虛受獲

養其无窮之身戚禮兼至鄉鄰稱孝感焉其更愛日惜時亟
襄大事以慰伯母平日惓惓之意也其何可或怠矣以確等
沐猶子之愛於伯母之喪宜亟酹一奠從奠哭者之後而自
屬纊至於此幾四旬日矣皆以確一人病困未能扶服之故
也曷何辭哉抑伯母猶母也蓋憐其疾痛而驕縱其過也有
日矣其不以確等乾餼之久愆而遽棄疾之也必矣尚享

祭陸伯母表太孺人文

維歲辛丑秋七月之杪我伯母之訃至龍山龍山諸子皆驚
相告曰以景宣之孝而有母喪將母過毀吾同人其亟往哭
母且以慰陸子而久苦旱涸奔哭无路淹忽至季秋又來告
乙酉之莖矣然後廼偕諸子馳二百里執紼祖奠而告羣馬
復矣可追也嗟乎確等之尋父景宣在喪亂以後而父之之
淚尤在景宣謝社事慎交游以後景宣之賢實裨益我要之
豈无本而然乎自乙酉之夏母實許仲子之死遂與伯子及
諸子仲子之子高偕隱之節至於今靡悔變故以來同人大

多引遜然无若母家之衆盛者夫姑自遺其短耳更无若母
家之皆賢有材者向非參意慈母諸子雖欲行其志夫何可
得耶某等以是益幸交景宣身附猶子之義盖猶冀吾母之
所以教景宣諸子者竝以淑某等於无窮也而遽捐棄乎母
既耻言祿養益喜以古人之學敵厲諸子孫而諸子孫之才
尤足以發之每佳時吉日則高堂之上觴詠竝進母夫顧之
色喜謂可以樂遐年亡何樂去悲審家國之痛纏綿无已比
乎晚年九瀝端緒自吉陽先生中身不祿而後大行之痛既
絕恒理往歲又重毀表太公之喪隨又慟愛女之喪而孫輩

孫女殀殤相繼鬱攸告罄資儲蕩然生人之艱投遺畧盡老
人多懷遂遘閔凶痛何如也尤恠景宣之診母多精思處方
輒竒中某等每聞母疾曰有景宣在必无恙已而果然如是
者數矣今竟不可藥耶前年母嘗尋參附疾附適涌貴至一
附直三四十金凡服數十附而後起深嘆景宣之孝能破家
活母今聞又甚焉幾至毀身夫割股非孝景宣豈不知之蓋
大母之教然耳管我母之顧吉陽夫子與表太母之疾如是
嗟乎以伯母之淑孝而壽不過耆景宣之善醫加以格天之
誠而不能復起其母歟雖然使景宣為之效吾尤不顧景宣

如此為能奉母教也人子欲生親之心固无窮父母欲生子之心愈无窮往既不諫來猶可追我景宣其又可過毀以忤慈母之靈乎禮五十不致毀今且近率哭矣我景宣其重自愛一節之士君子不居某等方將與景宣益進求其遠大期无媿古人之學而止乃所以終母之教也而吾母之所以啓佑諸子竝以淑某等於无窮者又豈以生死易心哉故敢以告景宣者并告我母尚饗

龍山告先師友文

嗟乎凡物有真即有偽此自古已然況茲世乎故小人以竊財物君子以竊祿位乃至功名可竊氣節可竊與夫道德仁義理學性命之精微而无不可竊久假不歸焉知非有復何真偽之可辨乎獨此未死之良心時隱隱發現於行道乞人清明平旦之間從此滋培長養庶或有還真之一日而旦晝萬鍾時或斂之夾足悲矣陽明先生无可如何故專言良知二字即孟子之苦心乃言未脫口而學者又爭竊良知以去奈何哉劉先生有云有不善未嘗不知是良知知之未嘗復

行是致知此王門真血脉羅石夫云所謂良知只是能知過所謂致良知只是能改過吾受祝子嘗向同人言遷善改過之學而當時有以先致知為言者嗟乎舍遷與改而又何知之致乎某近決絕口不敢言學但自痛省痛病在不老實乃日學老實愈覺不老實可知此兩字工夫正未易湊泊則吾同人中或大有與其同病者又惡可以勿學也如言其所无非老實也即言其所有遂可謂老實乎必也言所當言斯可謂老實矣而即言所當言四字未易承認矣則推而廣之凡學者一切浮夸鬻競之氣固須極力湔除而鄙固偷懦之

病將復藥之過與不及皆非老實老實之學走作不尋一綫
出乎中庸即入乎罟獲陷阱危乎危乎古人所以戰兢乎深
薄者良有以也居今之世退藏誠不可不密而溫恭節儉寡
言慎動尤是退藏張本而戎未盡乎此也孟子曰元為其所
不為元欲其所不欲如斯而已矣或曰莫即是致良知否敢
以質之光師爰

哭爰立姪文 甲辰

嗚呼我爰立之死已二旬矣吾至今不信有此事也豈天命已定不可以人理測耶何歆善勿倦而終不可回天數耶始汝甫病一兩日自知不起遽撥置後事吾謂汝妄耳汝病必不死亡何卧病四十有七日而竟不起也汝果何所據而自知不起雖汝言信矣而吾終不汝信也非惟不信汝死也自前年汝嬪之喪今秋汝長子之殤吾固已疑天道矣以汝嬪之樸勤柔愿法不當殀而竟殀也汝長子之溫文馴默法不宜殤而竟殤也門以內之可恃者惟此兩人而天皆奪之矣

而又以身殉之乎始吾見汝哭殤子而哀勸汝少自解而卒
不少解固知汝必病豈知一病遽不起乎管翔光之死已極
慘毒然猶有弱嫠忍艱苦以撫孱孤夫賴汝時為之左右也
今三子一女復誰依賴雖有汝兄弟以為之父有汝姊以為
之母有汝友以為之師外內夾輔庶幾有成而東西分隸童
幼離析視此遙遙其何時有所成就以一旦慰汝地下也三
孫中惟崧孫年長差有質性可望有成崧孫成則一妹兩弟
皆有所賴以成矣汝病中惓惓者惟此而已矣知伯蜚欲爾
必不負汝吾崧孫其果能不負伯蜚欲爾否也异日者一變

至道循循然惟師長諸父之言是聽率禮寡過是崧孫之所
以孝於爾父是伯蜚欲爾之所以信於而友是我與汝伯季
之所以惠於猶子與兄弟者也汝庶可瞑目於九泉之下否
乎崧孫崧孫其无忘父臨歿丁寧之意也烏乎我老且病懼
旦暮之不保常欲以後事屬汝而汝反先我死乎己亥八月
之喪我欲改先塋而溪之諸兄子皆不欲痛哭諫止汝大泣
告我曰事湏為之且漸可矣吾勉而從汝遂因循至今不幸
汝遂溘死誤我大事汝獨无遺恨乎諸未了事待汝以了者
何限而汝皆委之而去乎宗人之哭汝者曰我宗族有事待

汝參定也里人之哭汝者曰吾里鄙有事待汝拯濟也良友
懿戚之哭汝者曰友朋之義非汝弗敵姻戚之情非汝勿周
也而況我一家之內之人乎而況我之老且病者乎而今復
何望乎且而三子一女之不暇恤而遑問其肉乎茫茫天道
固如是乎嗚呼痛哉

哭長翁叔父文

西序

嗚呼確老病龍鍾歲月彌進常懼先朝露不及待叔之歸而
叔竟先我逝乎前月廿五夜夢從諸叔父會文叔祖司馬公
督之甚嚴忽怒不可解確從旁甚稱諸叔之才且好學甚幸
元宅虞司馬公為之霽顏驩笑宛若平生正反側驚疑間而
兒子翼已從床頭傳叔父凶問幽明之相感一至此乎大可
異也憶確之愚戇落落寡儔惟叔父當年畧其形骸示之肝
膈雖絕塵之姿已先驅王路未嘗不還顧駑蹇加之鞭策每
以千秋共相期許革命以後更極綢繆城鄉往還唱酬靡間

固白雪調高非下里所能屬和而時蒙節取謂可感發性情
十餘年中此為最密迨亥子年間確自以老於諸生因病告
退初非好高而叔父更承嚴命出從王事萬非尋已人之相
知覺相知心雖動寂殊感而彼此一致猶之乎前日也徒以
山川遠越音問久疎二十年來宛如隔世叔父遽疑其有遐
心謂仲襄叔軫初何无一字致我嗚呼痛哉蚤知叔輕重確
之一言確雖病必力疾脩數行附候起居兼趣歸轅叔父或
立變色告車若信陵之於毛薛未可知也而襄叔客游厚第
遠省竝未相知无由附致拳拳叔父竟留滯中途終不及歸

呂死白首茫茫永无見期長恨何如嗚呼人生實夢吾又烏
知夢之非真而死之非生乎疇昔之夜吾叔父子兄弟同寃
然一堂既死者形魄不死者神明況吾叔之文章氣誼決不
隨泯沒者耶樸翁大叔間嘗與確嘆宗法之陵夸而民彝之
泯亂也尋徼祖宗之靈若吾叔之質心直行庶幡然言歸并
相維翼以固宗盟澆風其有變乎而今已矣无可復望矣維
樸叔與某等次皆僻處孤村白首无聊日冀倖吾叔之歸更
追前好故去夏聞吾叔歸信各賦詩志喜何意又成虛願既
相痛叔又各自痛也確衰病日增駐世非遠及泉相見真轉

眼間事假形傷泣安知非夢要自不能已已耳烏乎

〔補〕悼錢厚菴文 癸卯十月六日

嗚呼以確與先生相慕之誠而不及生相見豈非天哉確之知先生也以許大辛大辛津津言先生之德有不能忘於心者數端亦遂不忘於確之心也會確連歲有兄母之喪幽憂疾困出門之日少辛丑春嘗同蔡子養吾一叩先生之廬而先生偶伏枕未出見再宿而退其明年四月南湖之會先生又以疾沮臘月之望先生至郡居確亦以事至未竟交臂失之今年秋聞先生病欲走候屢矣又以確新受鍼灸鑿云百日之內未可以有行也復不果大辛云先生神氣清旺偶得

疾疾當漸美竊幸奉教之尚有日也而先生竟以是終痛何如也聞先生亦誤聽友人言謂確有畸人之行也屢欲枉顧而未果然乎否耶確今年正六十少先生八歲頭須盡白衰老之狀殊不足觀今新得偏廢疾手足漸不隨當不久與先生相見先生其無以不及見僕為恨也先生體受歸全見於大辛考終之說雖死無恨惟令子蚤年失怙惇惇可念然是父是子吾知其必不負先生之志之事況有商隱以為之兄張考夫以為之師巢端明以為之舅左提右挈必能長養沖性以日進於高明無疑也去年於禾寓見考夫之館役將命

溫謹曰異哉錢先生之僮有君子之風盛德之及如此乎頃
大辛來言二僮之馴德種種可述且所見與俗絕遠先生之
德漸漬於僮僕者尚如此況式穀之似乎二三子何患焉然
喬獄之高仰之者非一人廣川之澤被之者非一物一日而
逝士庶焉依確所以咨嗟於未見者亦非止為先生痛為斯
世斯民痛也去年十月蒙先生茶布之惠以杜書孝經為報
緘封久矣為欲面致故踰年未達今聞先生之訃出所封視
之不覺泣然敢敬納之令子并以告先生也嗚呼

哭亡僕顧忠文

嗚呼痛哉爾之自棄來也以吾渭陽之故不忍棄爾遂以爾
夫妻而南爾來二年家中內外小大皆安爾惟爾之良力田
十畝連遭大旱困於行水猶歲收畝二石惟爾之勤吾以爾
故欲闢淩東地數畝結茅親稼以終我老農之願而爾竟死
吾事遂不復濟矣乎爾之生命固止此已乎吾之不德而天
斂其輔乎嗚呼痛哉自爾之死家中人稱爾善不容口出步
田間遇里隣父老子弟皆稱爾善不容口皆言未脫口而涕
隨之宜吾之痛爾不置也嗟乎世固有王公貴人生極顯榮

而人莫之哀者衆矣以爾一介賤僕來此止二年何德於隣
里而使至是哉以視彼王公貴人之死何如也嗚呼我實負
爾爾妻吾擇配之爾子爾女吾撫之爾妻子頑劣吾多方貸
之不令爾憂地下也爾性嗜酒一杯酹爾爾其飲之

墓誌銘

查氏石家漾三世合葬誌

嗟乎族塋之興廢古今之大利害係焉豈不重哉予悲三代以後之民盡昏昏如醉夢也病狂者也嗟乎此醉夢者何日之醒而病狂者何日之瘳也豈惟俗士哉予向者從兩隲先生游即聞其痛詆葬師之說予時猶未離乎醉夢與病狂者也而心竊竊然非議之謂迂而僻者耳有意矯俗者耳又閱十許年而僅然覺悟則彼醉夢者詎易醒而病狂者詎易瘳也蓋葬師之說行則族塋之禮廢此不兩存之勢而查子石

丈之母許碩人兩隲先生之伯女也遂能篤信先生之教脩
行古法倣周禮族塋於其所居後數十武名石家漾者啓土
合塋存宇公而下共三世則自三世而四世而五世以至世
世苟有尺地之贏又何不可以合塋也賢哉碩人可以為後
世法矣石家漾之塋肇自崇禎龍飛之年塋查存宇公洎配
徐碩人於祖位存宇公之子惺玄先生洎配董碩人於昭位
孫其皇君於穆位計合塋存宇公徐碩人之年其皇君已死
而惺玄先生與董碩人尚无恙也則虛其昭而先祔其皇君
于穆又歷兩甲而惺玄先生與董碩人相繼下世皆已合塋

今年五月而許碩人又棄吾石丈兄弟而死卜以某月某日
葬于是而三世之墓既畢矣石丈子乃始踴躍然奉其三世
之行述以請陳確曰微子言吾固稔知之咎吾父與爾祖惺
予先生爾外祖兩階先生交最深洎吾伯父凝菴先生竝目
文酒自豪放浪形骸之外吾父最號醇謹則斗酒過從故夫
不廢諧謔也嗟乎痛哉吾父病且死猶拳拳爾祖爾外祖對
余小子言未嘗不呼查伯許叔也嘗言查伯尤蚤慧材益放
弱冠受知於邑侯陳公某有非常之目懼其恃材而弛學也
為假館于邑城之安國寺朝夕督課每候至寺則屏從者徒

步狎臨查伯所覲勤惰覲術愈工而查伯所以應侯之覲大
愈巧每侯至必執卷端坐侯去則恣所之凡青樓歌館闌雜
蹴鞠諸戲應日不給而材智神敏於侯之所課大不至廢闕
一日侯過問有事相屬否查伯作色有頃徐曰退之有云感
恩則有之知己則未也侯歛容謝去其風骨夸曠皆此類也
而查伯與許叔兩人居尤近益相慕悅為忘形交酒後耳熱
則竝起舞或時演古人一二軼事以快其胃中之憤不顧世
之非笑時查伯富而許叔貧兩人初不知其誰貧與富也遂
定子女之婚已而富者貧貧者貴貴者夫无救于貧故兩人

之交白首无間然余及見兩先生時許叔固抗直自愛聲震鄉國而查伯雖病廢猶屹然先輩典型似於向所傳聞不類而查伯母董碩人之行尤非恒情所堪呂碩人之賢而不見會于惺予先生碩人安之若固无終風之怨而以一夕之夫嬾上承孤緒下衍无窮雖天實佑之而查母之處此極難矣惺予先生好外嬖則視外嬖之子如己子碩人夫視如己子惺予先生所以禮碩人者愈疎而碩人所以順先生者益至惺予先生賓客盈堂聲伎襍坐娛心悅耳之事喧填不絕而碩人之空閨寂然衣資蕩然益佐以晝夜緝績之勤盡以供

夫子之揮霍而恬然若吾分內事也坤之象曰厚德載物若
碩人之厚无以加矣後嗣之繁昌有呂哉其皇君夫婦獨能
以勤苦振起衰緒甫十餘載而中廢之產稍稍復居之頽者
大稍拓无何適有濬河之役其皇君疲于奔命以死許碩人
獨受承之兩大人之僇然者惟碩人是奉諸孤之競然者碩
人是教是育三世之寔多碩人是營公私紛沓之務碩人是
理率之内外咸秩細大畢舉今石丈兄弟雖皆貧士哉然堂
構晏然墳木蔚然孝友之風蒸然書詩之澤盎然非它人皆
碩人之旨也碩人之功於查不薄矣自惺予先生而上為存

字公其行事盡軼不可攷大抵皆有隱德故世嘗言公當諸伯叔兄弟蟬聯鵲起時獨能局戶潛脩某官某公從弟也具冠服拜謁公方啜麥糜即命啜糜已謝去竟不一送又嘗之武原期一人於某所不至迨闔而返幾及禍人謂尾生復出即此二事可想見公之為人至如惺子父子之天性孝又能急人之窮有足多者惺子先生迎養適楊之貧姑若夫與子分食食之分居居之終其身不倦敬養外祖徐公為之築室賑萬歷庚寅之饑拯族人敬公之貧設法釐義田之弊使人有實惠若此等事皆日不暇給而其皇君之殷殷念從父

蘊庵之貧勸遺不絕皆好行德自其性也匪獨存字公父子
祖孫間九世有閭德云董碩人之甘貧習勞而却千金之饋
有烈丈夫之遺風徐太碩人之孝稱於其姑慈德著於再世
石丈子嘗涕泣言自吾王父孩時善病瀕死育於徐太碩人
至請以身代憂吾大母之不宜於大父也而計給大父舅與
大母有身嗚呼傷哉非吾徐太碩人吾家无炊火矣陳確氏
曰嗟乎有吕也而世或未之察也謂夫惺惺先生之廢其業
者或乃所以起其業也董碩人之不有其家者或乃所以有
其家也故可見者許碩人之功而不可見者其先世之德也

然則石丈兄弟之澤豈有量乎可不勉哉自存宇公而上為
貢士鳳巖公鳳巖公而上為高隱養虛公自養虛公至惺
先生四世皆獨子不惟然也於惺先生之世勢必无子
而卒庸子且又多孫豈非天耶自養虛公而上為大理寺左
卿雪坡公雪城坡公而上為福建按察司僉事一愚公一愚
公而上至始遷為均寶公由樛李徙表花又上二世為千十
提領公由新安徙樛李代有聞人詳在家乘不具述存宇公
諱字號存宇生年 月 日卒年 月
日配徐碩人邑諸生諱至言女生年 月 日卒

年月日皆以 年 月 日合葬石家漾新阡子一

即惺予先生諱 字 號惺予為邑庠生生 年 月

日卒 年 月 日配董碩人孝廉董雲臺女生

年月日卒 年 月 日皆以 年 月 日合

葬石家漾祖塋之昭一子即其皇君諱 字文則號其皇以

年 月 日葬石家漾祖塋之穆配許碩人淮陽太守

許同生先生長女生 年 月 日卒 年 月 日

以 年 月 日合葬穆位禮也爰系之銘其詞曰

陰陽之義前宅後墳既聚而居夫聚而寔誰能行之惟許碩

人我學周禮呂式子孫百千億年青于白雲